



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Carminvm Iacobi Albani Ghibbesii, Poetae Lavreati Caesarei, Pars Lyrica**

**Gibbes, James Alban**

**Romae, 1668**

Ad Ioannem Finchivm; Sigilli Cvstodem Magnæ Britanniae. Dit hynambo  
quodam oblato, post laudes Parnassi Hippogryphæi, id est, Hospitij  
Graiënsis Alumnorum, ipsum eorum principem, ob præclara facta in ...

**urn:nbn:de:hbz:466:1-13378**



AD IOANNEM FINCHIVM;  
SIGILLI CVSTODEM  
*Magnæ Britannia.*

*Ditbyrambo quodam oblato, post laudes Parnassi Hippo-  
gryphæi, id est, Hospitiū Graiēsis Alumnorum, ipsum  
eorum principē, ob præclara facta in regio Senatu, &  
ob dicendi grauitatem, & copiam, singulariter extollis.*

ODE XXIII.

**E** Ià insueto nectareum melos  
Effunde plectro, barbite: FINCHIVS  
Mandat IOANNES: eia Olympi  
Signa super, nebulasquē tolle.  
Non, si supremo dicitur in loco,  
Supremus audit: sic Colophonius  
Diuos recensabat Sacerdos,  
Fine Iouis capiente numen.  
Quid hoc? sacrato mens trepidat metu,  
Nec lingua vocem, nec sonitum valet  
Heröis in tanti superbas  
Ferre chelys stupefacta laudes.  
Hunc Lesbij tu carminis alite,  
Thalia, canta moribus aureis  
Insignem, & Hyblæo tonantem  
Ore virum potiore succo.  
Hunc & fideli iudicio refer  
Minöa terris, consilijs Ioui  
Tantum secundum, nec minorem  
Pléiones volucris nepote:  
Testis mearum terrigenum cohors  
Sententiarum nota, Diespitrís,  
Diuumquē contemptrix, sagittis  
Fusa tuis, tonitruquē Suadæ.  
Iam tum decoro stemmate Gryphides  
Lauriquē, myrtiquē, & tumidæ caput

Quer-



Quercus coronauere, & æquo

Cynthe, tibi statuere scamno.

Iô, ter iô, dic grauioribus

Pæana neruis, Angligenum decus,

Gentisque Gryphæ voluptas,

Iuris honos, duplicisque Pithus.

Iô, potenti scande polum pede, &

Inter serenæ fulgura gloriæ,

Lunæque, stellarumque flammæ

Fige domum, rutilumque nomen.

### IN PHILOMATHI

MVSAS IUVENILES,

*ex Germania Romam missas.*

*Nomen, licet apponi scriptis ipse vetet, iure ac merito  
peruagatum esse.*

### ODE XXIV.

C Vltum è Vahalis, credite, finibus

Vidi libellum, Tybride conscio;

Romanique mirantem, & Latinum

Attonitâ velut aure Phœbum.

Prô, quanta venæ copia diuitis

Fluxit! quis ardor Teutonicas niues

Dissoluit infractas, ut irent

Mollius Aënidum scatebris!

Prô quæ, Maronis seu crepuit tubâ,

Seu res Thyestæ, seu terigit sales,

Fallebat aut plectro laborem,

Vis erat, imperiumque vati!

At nulla pictæ nomina legimus

Præfixa fronti. Quis negat abditum

Lucere Solem? fat patebat

Ipse suo Philomusus astu.

Candor sepulchri proditor est sui, &

Mirè coruscâ vibrat imaginem

Op.